

# INUIT ATAQATIGIIT

## INATSISARTUNI



Nuuk, 25. februar 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.  
(Inatsisartuni ilaasortaq Naaja H. Nathanielsen, Inuit Ataqatigiit)

### Apeqqutit:

Suliarinninnermut tunngatillugu

- 1. Ulloq den 15. februar tusagassiuutitigut nalunaarutikkut erserpoq Kalaallit Nunaata uuliasiornermut aatsitassarsiornermullu 2014-2018-imut periusissiaa maanna inaarsarneqarsimalersoq<sup>1</sup> taamaasillunilu Naalakkersuisunit akuersissutigineqarsimasoq. Naalakkersuisut isumaqarpat Aatsitassanut inatsimmi § 4, imm. 3<sup>2</sup> malillugu taamatut iliornissamut pisussaafilerneqarsimagaluarnertik naapertorlugu periusissiaq pillugu Aatsitassanut Ataatsimiititaliaq arlaatigut ilisimatissimagitsik?**
- 2. Tusarniaanerup sapaatit akunnerinik sisamanik sivisussuseqartup sivikipallaarnera pillugu Sulisitsisut Kattuffiat tamanut ammasumik isornartorsiupput. Isornartorsiuinermik tamatumingga tusaanngitsuusaarusunertik Naalakkersuisut sunik tunngaveqartippaat?**
- 3. Naalakkersuisoq Jens-Erik Kirkegaard KNR-imi Oqalliffimmi 18. februar aallakaatinneqartumi oqarpoq oqallinneq taanna taaneqartoq innuttaasunik peqataatitsinermit assersuutaasoq. Naalakkersuisut ilumoornerarsinnaavaat oqallinnerit aallakaatitassiarineqartartut KNR-imit namminermit ingerlanneqartartut sunik sammisaqarfiusassanersut Naalakkersuisut aalajangersartartussaannikkaat taamaattumillu oqallinnermik aallakaatitassiaq pineqartoq Naalakkersuisut innuttaasunik peqataatitsinerannut ilaasutut isigineqarsinnaanngitsoq?**
- 4. Periusissiap kinguneri pillugit ingerlatsisunut paasissutissiinissamik Naalakkersuisut pilersaaruteqarpat? Tamatumunnga ilagitillugit soqutigisaqatigiiffiit aammalu uuliasiornermik aatsitassarsiornermillu suliaqarfimmiut?**
- 5. Inatsisartuni partiit akornanni periusissiap imaanik anguniagaanillu politikkikkut isumaqatigiinngittoqarnera sinaakktissatut piumasaqaatit pillugit politikkikkut allanngujaassuseqanngittoqarneratut aningaasaliisartunit paasineqarsinnaaneramik paasinninnera Naalakkersuisut isumaqataaffigivaat?**

---

<sup>1</sup> Oqaatigineqarpoq inaarutaasumik periusissiaq Inatsisartunut nassiunneqarsimasoq.

<sup>2</sup> § 4, imm.3:

"Sammisanik aalajangiussisoqartinnagu inuiaqatigiinnut imaluunniit avatangiisinut pingaarutilimmik sunniuteqarsinnaasut pissutsit pillugit sammisanik Inatsisartut ataanni ataatsimiititaliamut pingaarutilimmut Naalakkersuisut ilisimatsitsissapput."

6. Nalaakkersuisut isumaqarpat taamatut inaarutaasumik iluseqarluni periusissiaq Inatsisartuni amerlanerussuteqarluartunit erseqqissumik ilalernerqartoq?
7. Naalakkersuisut qinnuigissavakka tusarniaassutissatut missingersuutip saqqummiunneqarneranit Inatsisartunut agguanneqartumut 8. februar ullulernerqarsimasumut aqquataani allannguutit suunersut nalunaarsoqqullugit.

Imarisaanut tunngatillugu

8. Aatsitassarsiornerup tungaatigut akileraarusersueriaatsit pillugit malit-tarisassat maanna atuuttut erseqqissaavigineqarnerannik imaqartumik Naalakkersuisut ilanngussamik sanatitsisinnaappat? Ilusiliat assigiinngitsut atorunnaarsinneqarsimasut periusissiami aamma taagorneqarmata tamak-kerlugit isiginninnissaq ajornakusoorpoq.
9. Periusissiami allassimavoq sulisussat taakkua sunniuteqarluarnerulersit-siniaanerup naammassisaqarsinnaanerullu pitsanngorsaavigineqarnerata malitsigisaannik suliffissanit allanit pissarsiarineqassasut<sup>3</sup>. Inuussutis-sarsiutit atorfiillu sorphiaanukua tigussaasumik eqqarsaatigineqartut?
10. Periusissiami allassimavoq aatsitassarsiornermik suliniutinut atatillugu telekkut attaveqarfinnik sanaartorlunilu ingerlatsinerup ammaneruler-sinnissaa naapertuuttuunersoq Naalakkersuisunit misissuiffigineqassasoq.<sup>4</sup> Suliaq tamanna qaqugu aallartinneqassangatinneqarpa qaqugulu naam-massineqassangatinneqarpa aammalu misissueqqissaarneq pillugu Inat-sisartut Sanaartornermut Ataatsimiititaliaat ingerlaavartumik ilisimatineqartassava?
11. Naalakkersuisut periusissiami oqarput kissattoornermi gassit aniatitaa-nerisa sapinngisamik annikillisinnaarnissaat sulissutigerusukkitsik. Kisiannili ermup nukinga atorlugu nukissiornerit periarfissaanerat taamaallaat periusissiami eqqaaneqarpoq – nalilernerqarlunilu suliniutit ilisimaneqartut arlaannaasaluunniit ermup nukinga tamanna atorsinnaassanngikkaat. Nukissiuutit ataavartut allat periarfissaanerat ataatsimilluunniit eqqaane-qanngilaq. Nukissiuutit ataavartut tamakkiisumik ilaannakortumilluunniit atornerqarnissaat pillugu Naalakkersuisut piviusumik piumasaqaateqaler-saarpat?

GeoSurvey Kalaallit Nunaanut tunngatillugu

12. GEUS-ip ingerlataanik tigusinissaq aamma GeoSurvey Kalaallit Nunaata pilersinneqarnissaa Naalakkersuisut qanoq akeqassangatippaat? Tamanna qanoq ililluni aningaasalersorneqassava aammalu tamatuminnga sulia-qarneq qaqugu aallartinneqarlunilu naammassineqassangatinneqarpa?
13. KNR-ip 18. februar oqallinnermik aallakaatitsinerata kingornagut GEUS naqqiuteqarpoq, uparuarlugu GEUS-ip aningaasaqarnikkut inissisimamera pillugu oqallinnerup ingerlanerani Aatsitassarsiornermut Naalakkersuisoq kukkusumik oqaaseqarsimasoq. GEUS-ip naqqiuteqarnera Naalakkersuisut oqaaseqaateqarfiginialersarpaat GEUS-ilu ilaarlugu kalaallit pilersinnia-gaasa (GeoSurvey Kalaallit Nunaata) oorisiutigineqarsinnaaneranut Naa-lakkersuisut ilimasuuteqarnerannik tamanna allannguiva?

<sup>3</sup> Takuuk periusissiap kalaallisuuani qupperneq 22.

<sup>4</sup> Immikkoortoq 7.7.4, periusissiap kalaallisuuani qupperneq 103.

**Tunngavilersuut:**

Ukiuni sisamani aggersuni atuuttusaaq nunap uuliasiornermut aatsitassarsiornermullu periusissiaa nutaaq Naalakkersuisut paasisitsiniutigeqqaarnagu oqallisigiteqqaarnagulu akuerivaat. Tamanna tupigusunnarpoq, pissutigalugu periusissiaq pillugu isumaqatigiit-toqarnissaa taannaammat aningaasaliisinnaassuseqartunut pingaaruteqartorujussuaq. Tamanna tunngavigalugu inuussutissarsiuqarfik siunissami isertitsissutigisartagassatta pingaarnersaattut suaarutigineqartartoq pillugu Naalakkersuisut takorluugaat eqqarsaataallu annertunerusumik paasisaqarfigerusuppakka.